

郝文忠公陵川文集卷之十二

歌詩

彭城李師射虎行

偃林風色號驚鳥山殘樹老虎負嵎將軍躍馬翻雕弧飛
電一點金僕姑赤羽飲肉血滿鬚勁欲一撲垂霜顛谷神
不靈喑且愚山靈憤死悲狸狐十年一逕無樵蘇一日使
使爲通衢虐政既革虎害除郡人咄喏爲嗟吁歸來猛氣
慘不舒勇無所用將賈餘舉杯側坐紅氍毹玉鞭擊碎青
珊瑚意欲一舉開八區繫弓却馬還隆儒作詩問君能從
無當路先去入於菟



八月十五夜五河口觀月

去年燕南醉明月黃金臺上秋風發兩行燕玉笑姮娥直
着風神比顏色前年山南醉明月露氣風聲纏玉節甲士
搥鼓邊聲雄漢水波翻峴山裂今年又作江南行五河河
口澆雄鱸舉杯對月月浮動酒浪搖碧金鱗生彷彿四顧
天宇豁九州四海一月明誰令此地限南北開起禍亂年
甲兵人生大抵隨所遇南北東西無定住金宵對月傾金
尊便可長吟爵佳句醉時抱月凌孤風桂花煙霄快高步
浩歌亂扣白玉盤天上人驚亦何懼不須槌碎黃鶴樓何
必翻倒鸚鵡洲大江江頭呼李白我欲與汝蓬山游赤城
城頭搖曳紫綺裘白雲雲邊倒卷蒼玉甌雙成佐酒飛瓊
唱不解人間更有愁

燭芝行

更長燭明對幽獨紫煙青焰噴赤粟燠爲芝菌亂烟碎莖
葉輪囷花篤款珊瑚小樹凝霞腴一片金沙襯紅玉嗟嗟
既以明自煎尚有精英結尤物江南江北富貴家喜氣氤
氳滿葦屋高燒海夜照紅粧剪落煙花花更出余方孤館
交一臂兩國愁添兩眉蹙魚龍慘淡湖山昏風雨飄蕭鬼
神哭星芒錯落劒花澁慷慨歌謠動心曲投戈散地三十
年殘姓遺黎儘魚肉子亡其父婦亡夫淚痕更甚銀盤燭

不知此瑞胡爲來奕奕層層生不足祇應臘盡將回春再
立元氣開乾坤發爲陽和盟二君億萬性命從今存金蓮
夜對承主恩玉虹千丈纏朱門照耀萬古光斯文與世作
瑞岳後昆

書焦山瘞鶴銘後

江流赴海勢莫遏潮頭推山怒噴薄崩崖倒影浴朝日金
碧萬丈涵石脚右軍將軍筆如椽擘窠大字銘瘞鶴剗畫
造化去畦町六合萬象歸旋斡意趣宛在結繩前巧寓拙
外無心學氣壓江海爭雄深飛動還疑地軸弱年深石欄
水波沸鱸鯢淬齒龍厲角書家元氣老欲死濺沫掀濤半

玉駭華表空存舊年月胎禽竟自翔寥廓儀真館中三伴
使携來貽我襟宇豁墨粘紙濕帶江霧神采超超勢沉着
忽從滄海得遺珠舉目全牛已剗割乃知書法盡本此沂
流求源各穿鑿惟餘魯公坡仙得其正永州磨崖中興頌
惠州李氏潜珍閣照耀萬古傳脉絡何時摩挲斷石一樽
酒揮灑江山卧煙壑坐中還有打碑人直待今年秋水落
書磨崖碑後

書至於顏魯公魯公之書又至於中興頌故思
書家規矩準繩之大匠河朔嘗見三數本皆完
好而森森如劔戟有不可犯之色今得此本頗

陵川文集卷之十一
一三
烏殘缺既裝補則反得古中韻勝乃知崖角削
弊本真全露有李白所謂秋水出芙蓉天然去
雕飾者尤可賞激也乃爲賦詩云

汝南昔曾謁公祠霜日暘冽森英姿乃今江館坐牢落
目忽觀中興碑神明煥若還舊觀義烈凜凜生見之滯氣
激起天宇豁快意發冢揮金鎚生平每爲二賢惜以技淹
節公羲之不阿桓溫止殷浩遺世脫屣終游嬉平原突兀
杲卿死李唐中僨公能持政令二賢書不工隻字片楮猶
當奇矧於超凡入聖筆冠冕百代書家師坡仙論書至公
止此本於公又其至正筆篆玉藏李斯出筆存鋒蕪漢隸

古硬陵轢瘞鶴銘韻勝韜扶蘭亭記離堆雄峻僅能亞畫
贊沉深還櫛比書法至此爲絕壑頌覺諸家異端異恢宏
正大極道緊馳驚剛方窮壯麗萬古千秋討賊心二十四
坡忠義氣清哉歲又頗殘缺苦蝕潮春寢磨滅去國幾年
似者希滄海遺珠亦奇絕酒酣對酌虎賁郎況乃摩挲是
明月斷畫嶄嶄屹斷金屈彊常山筆端舌中間剝泐尚含
朔慘淡中丞面餘蟻載看激裂壯士肝意苦時危將泣血
置書勿論撫膺嘆更有何人似公節忠貞端不負巡遠文
字尤令重元結只令誰識段文昌世上焉知李希烈終南
太華皆可磨後人竟莫墮嵯峨惟餘浯溪青天一片石照

陝川志卷之十一
四
耀邃古馳江河誰能與世見此不朽業蕩攘邪穢蠲祲痾
再立元氣擅澆訛踵武至德肩元和九原起公吾其歌

江梅行

江城畫角吹吳霜破月着水天昏黃波澄煙安林影澹
梅帶雪橫溪塘此時承平風物盛家家種玉栽琳瑯朝來
伴使宴江館銀瓶亂挿吹銀管霏微香霧入紅袖零亂春
雲遶金盃都料和氣變荒寒錦瑟愁生燕玉煖爲言儀貞
梅最多苔花古樹深煙蘿一年十月至二月紅紅白白盈
江沱自從天馬飲江水草根齧盡梅無柯楊子人家楚三
口今年幸有燒殘樹忽聞星使議和來盡貯筠籠待供目

從今江梅好顏色爛醉長吟嚼佳句

江聲行

鴈啼月落楊子城東風送湘江有聲乾坤洶洶欲浮動窻
戶凜凜陰寒生昆陽百萬力一燧齊呼合謀接短兵鐵騎
突起觸不周金山無根小孤傾起來看雨天星稀疑有萬
壑霜松鳴又如暴雷鬱未發暗鳴水底號鯨鯨祗應靈均
與子胥沉恨鬱怒猶難平更有萬古戰死骨銜冤飲泣秋
濤驚虛庭徒倚夜向晨重門擊柝無人行三年江邊不見
江聽此感激尤傷情須臾上江帆欲舉舟子喧阗闕鼓
江聲漸小聽鷄聲慘淡芙蓉落踈雨

花藥夫人詞

青城費氏以才色入孟蜀宮後主嬖之效王建
作宮詞百首國亡入宋備太祖後宮嘗召使誦
詩因誦亡國詩云君王城上豎降旗妾在深宮
那得知十四萬人齊解甲寧無一箇是男兒子
感其事故爲作花藥夫人詞

花藥夫人似花藥冰肌玉骨深宮裏等閑蜂蝶那得知惜
殺風流蜀天子芙蓉開蒲摩訶池月殿香來動風水廣寒
却有兩姮娥鬢亂釵橫飄桂子自作宮詞一百首學得晚
唐王建體六宮寵愛渾一身太真飛燕親曾比誰知一夜

花開了子規啼向沐梁却始知世上花藥多一番春去空
紅紫榻上貞龍方歛睡絕語新詞不到耳向人更誦亡國
詩爭妍忘盡降王耻十四萬人皆男兒夫人宜向蜀宮死
二年冬至日湯安撫送梅

風吹雪霰日南至銀瓶又插貞州梅塵封蠟額春欲透添
水細浴清香回去年擬向西湖看今歲猶然揚子岸燭花
相對淡橫斜江靜天寒聽孤鴈

後聽角行

丁未冬十有一月漢上趙先生仁甫宿于余家
之蜩殼庵霜清月冷角聲寥亮乃作聽角行以

贈其行迹在儀真每聞角聲因思向來卒章四
句江上舊梅花今夜落誰家樓頭有恨知何事
牽住青空幾縷霞便有江城羈留之兆故作後
聽角行以自釋云

燕南壯士江城客孤館無眠心已折那堪夜夜聞角聲愁
曲悲涼更幽咽一噴牽殘楊柳風五更吹落梅花月霜天
裂却浮雲散鴈行斷盡疎星接餘音耿耿渡江去依稀似
向愁人說勸君且莫多嘆嗟家人恨殺生離別可伶辛苦
爲誰來凋盡朱顏頭半白萬緒千端都上心一寸肝腸能
幾截當時聽角送南人南人吹角不送人不如睡著東風

惡拍枕江聲總不聞

巧蟠梅行

金陵檻梅曲且紆松蕪翠著相倚扶紫鱗強屈蟠挑枝藤
絲繳結費工夫白藥紅萼玲瓏會玉錢亂點青珊瑚江石
細嵌蒼蘚泥百巧直要似西湖盈盈矮矮窈窕且踈北客乍
見忘羈孤聞說江南富貴家金漆洞房新畫爐錦簾深垂
春自生遠床羅列十數株清香透骨滿意濃翠袖捧觴歌
賞珠開殘不向前村尋送新易舊常有餘細思只是兒童
計不是詩人與梅意深江古岸三百樹亂落潮溝遮野渡
苔封雪漬硬剗青玉錐半開不開萬里霜風吹犯寒燒酒

傾數杯折殘枝了
聚月回一天清興詩家梅

電白馬行

余方丁年喜鞍馬費却千金總驚下忽從河壩得驥子躍
出關河汗流赭逸足追風名電白雷掣騰空一片雪幾回
開蹋汴梁花半生快意燕山月身如膩玉不染塵面無餘
肉腕力筋不驕不怒爲且馴良馬可入如美人頤盼徘徊
會人意門巷無復能記繫向垂揚立如睡逍遙布路方
半醉恒山堂北曾躍數丈橋漢東事急一躡上山陬臨危
赴難每索纜兩耳直欲摩雲霄前年渡江飲血鸚鵡洲今
年朝天五千里金蓮花開却飲樂江流忽從監牧群中過
大青小青盡回頭詔令持節南使宋黃金臺前始解鞚儀
真夜夜來入夢突兀使我心魄動

長星行

甲子歲七月一日始
見九月十六日沒

銀鞞萬條日沒酉王虹千丈月合丑雄鷄一聲半天赤太
陽欲出星在柳東南勢安裁冰刀東北迸開驅雪帚行侵
熒惑掩太白直從北斗向南斗上相黯慘忽無色上將差
參都不守明堂帝坐總茫昧房駟王良欲奔走漸過輿鬼
漫兩河渾掃三垣當井口突煙滾滾欲浮動異事驚人古
未有初從曠旱忽風雨拔木轟山聲亂吼爾後妖芒忽亘
天七月初吉又踰九縱橫凌犯卧復堅自暮至朝長更久

五年江館戴片天變故紛紜翻覆手摧心褫魄又見此閉
目不敢窺戶牖天傾地裂由積釁敗國亡家皆自取吾聞
有道必得壽長星勸汝一杯酒

入奏行贈千戶魏斌

天王推恩下寶書龍節玉帶金虎符邊臣喜兵禍二國陰
使豎子來相圖七年茲兇絨髓骨故作狼跼期一撲勝人
救死趨夜發群起先尸帳下督拔柵登門強斬關直入卧
內殺長官洶湧逆氣噴信函模糊生血撼帳竿魏斌慷慨
掉臂入舉頭為城令避賊抱書登墉性命存黑風卷地飛
沙石賊徒駭亂各散走館吏嚴兵擁前後倉皇國士幾委
地再活還因此人手人心事急方可見平日相着祇見面
只今歸國俱入見為君草奏黃金殿整頓腰間大羽箭討
賊誅讎為一戰

感粟行

昔年燕都賢豪宴我百花樓張紫合吹絕藝象花短管安
蘆頭主人捧觴初壽客一聲便作新涼州傾側四座皆寂
默清列揭起嘶蒼虬漸為怨曲淒且幽更有珠裙翠袖揄
音赴節轉鸞喉宛如飢鳳來求鳳碎挑銀字眉黛羞有時
亂敲檀板忽惆悵渾似薊門桑葉秋軒昂悲壯多感激有
客淚滿紫綺裘幾年南來坐江館但聞江城畫角聲悠悠

一陽川詩集卷之十三 一
昨宵花落啼杜鵑月牕孤影生離憂誰家夜把觴粟吹一
噴新聲喚舊愁宵如深江一葉舟高如楊花春不收忽然
拚過成百折低昂頓挫如有求一絲解將心緒抽掛向燕
山新月鈎無情漫激壯士肝中夜坐起涕泗流

狠牆嘆

色牆闊峻倒插棘四簷抵匝無罅隙東日曬透西日炙周
興鐵釜熾火逼置予此中不許出虐哉狠牆甚狠石嗚呼
何時見天日

寃鏽嘆

重門重鎖禁不開伴使送入不復來鐵篋生澁深金苔冷
氣纏結埋陰霾寶中進食當門回咬唇閉目猶疑猜嗚呼
寃鏽孰爲哀

憶寶刀歌

生平知己壓腕刀借交報仇燕南豪一從濠梁成隔絕烏
鏡觸忤狐狸嗥夜夜斗牛多異氣玉虹縈天光燭地幾回
夢裏飛入手痛惜當年都廢棄近來館下遇家賊空拳無
奈徒忿激撼床一夜寶刀鳴黑風卷地吹霹靂只今使節
猶未回祇應玉璫生青苔何時磊落却在手爲我討賊除
氛埃

陽春怨

去年春歸花滿空今年無花酒樽空起來
牆頭望歸鴻却見落花千片紅劉郎
劉郎怨東風武陵桃源一夢中西樓
畫角東寺鍾深閨月落昏簾櫳美人
美人隔江水流年暗逐江水東

江頭怕見楊柳春楊花飛來愁殺人
紅顏落盡花片新黃昏無人淚霑巾
舊花被疊凝春塵夢中忽見渾未
肯隔花半面春山顰恨郎不歸多
怨嗔不知兩處同苦辛同是天涯
愁恨人幾年心事向誰說花落鶯
啼畫掩門

別時重約頻付書一字不到八年
餘死耶生耶漫嗟吁是耶非耶有
還無應言被郎誤殺余豈知郎在
空床居春風滿簾酒滿壺落紅零亂
飄庭除不言不飲愁恨俱半睡不
睡情緒無杜鵑啼落桃花月紅燭
無情泣座隅

芳草淒淒春又青階前院後喚愁
生隔牆飛花帶鶯聲都因無情却有
情強飲不醉愁難醒欲睡不着夢難
成一簾斜日唯綠英春風澹沲江無
聲楊花茫茫楊子城總是天涯流落
情夜來說殺梁間燕一世春愁在此
行

長歌行爲正甫書狀壽

髯公子聽我歌歌聲苦長奈若何窮
天亘地怨不盡顧視萬古都蹉跎
借問怨何事怨我與子久在江之
沱嗟子之才世豈多瓊璫續潤珠
且磨圭璉特達正不頗宜在巖廊

奉璋裁紫霄絳雲白玉珂翠蕤孔蓋金錯摩論建唐虞開
太和突兀磊落不掩姁高風颼颼吹明河秋天水鑑冷不
波六合表裏盡清徹世塵不到更把佳句哦誰知一日雜
龜蛙翻風豫章蕙女蘿所以歌聲長與子砭沉痾子居河
陽縣我住陵川頂子方丁年我知命龍文虎氣心炯炯大
材自古多抑塞合當拔起快馳騁金樽滿浸太行影黃河
倒卷入天井門前大江流幾度秋風吹我歌聲正長莫嘆
猶未歸壯節曉天虹貫日志士豈作兒女悲

丁卯冬十二月二十八日修易外傳畢記夢

君子道長及夬決聖筆無麟義當絕尾動精爽黑
月入夢寒蒲魄頑冰瑩徹轉車輪陰鑑澀水深嵌壁屋山
東日忽分曜一線微光變痕迹兩手摩挲冷逼心恍然記
悟祇一易常編密後二千年故紙紛紛壅南極却從孤館
學蠹魚自笑蚍蜉不量力雕鏤太極百萬言破碎乾坤裂
肝臆大江粘天硯瀟乾風雨滿空眞宰注邵先生程夫子
是聖人能不死平地重成五鳳樓精義入神還有此

郝文忠公陵川文集卷之十三

律詩

秋興五首

風振長天秋氣豪
幽人與與雪山高
霜纏短褐歌商頌
月滿空庭讀楚騷
萬事已應隨弊俗
一身寧忍墮塵牢
會須散髮滄溟上
鞭擊魚龍舞碧濤

世事雖窮道不窮
金聲猶振魯王宮
看書極探天人理
下筆全侔造化功
未洒後塵心有贅
忽驚前哲坐生風
六經依舊垂天地
千載秦灰散劫空

沙冷雲平塞外天
霜風掣箭射幽燕
郡狐蹀血濡腥尾
一

鵲搏空弄老拳白玉樓成賀安在黃金臺廢隗猶賢翩翩
精衛休填海驅石秦人已斷鞭

永夜漫漫苦飯牛北溟誰下釣鰲鉤拘雲琢句鬼神泣倚
劍長歌天地愁日暖桃源秦世外月明蘭國楚江頭但能
握節終吾事絕食猶輕漢五侯

萬里長風掃陣雲浩歌一曲倒清樽昔人猶有未埋骨
世難招不返魂陰沴豈能昏日月濁河難使貫乾坤皇天
不許中州靜夜夜長庚出薊門

寓興

實學湮沉偽學張四科一併入文章詞源更不窮西漢詩
律惟知效晚唐風雅義迷元氣死天人理昧正心亡何當
倒挽銀河水淨洗雲孫織錦裳

李淑玉送醉梨

李氏家梨點漆光蟄龍遺卵結水霜香中風味爛中得皮
裏陽秋凍裏藏破酒蒲盤烏玉顆醒心一掬粉紅漿燕南
奇士供奇果不獨張公擅洛陽

雪意

腸谷初冰冽曉霾瑤花一夕滿理臺雲飛海嶽寒難吐風
振堪與凍不開秀魄暗成水井月冷魂潛入楚江梅梁園
此日多豪俊濯濯無因展異才

晚晴登西臺

電明雲黑轉驚雷，忽送諸山暮雨來。
萬騎蹀風颯陣駭，六鷺噴海漲天開。
無情漫作陸地浪，有意不洗中心埃。
落日明霞照湖水，一天爽氣上高臺。

呈王內翰

霜落雲枯秋盡時，翰林遺得桂林枝。
春風久已歸桃李，劫火從渠照虎貔。
白髮操戈浮世在，赤心傾蓋幾人知。
壺中有酒無天地，醉後休歌貝錦詩。

送陵川魏夢臣

太行一脊壯中州，上有吾家最上頭。
蓬鬢他鄉淹歲月，錦衣何日拜松楸。
塵埃滿面將何往，羽翼生心漫起愁。
聞說棣華堂尚在，紫荆花老鶴鴒羞。

南樓書懷贈趙文仁甫

慘澹風雲鷓鴣洲，蹉跎歲月仲宣樓。
從渠得失兩端了，不愧乾坤萬事休。
往行前言祇自省，樂天知命復何憂。
此身難着人間世，只合長歌老飯牛。

送仁甫文還燕

一鞭天地起孤愁，高戴南冠賦遠遊。
濟瀆醉探窺海眼，岱宗闊步望吳頭。
唐虞問學傳千古，伊洛波瀾浸九州。
七十餘君皆不遇，却携漢月渡瀟湘。

送高聖舉之關西

碧落心期已自通，滿襟霜月又相同。斯文不墜浮雲外，元氣常存劫火中。太華冬頭老秋色，銅駝陌上舊春風。終當對此一樽酒，豈限秦關西與東。

哀王子正

鹿去中州道不行，先生今日死猶生。長鯨萬里朔風急，獨鶴一天秋月明。擬見斯文還太極，時方作太極書院未畢遽收浩氣反元精。世無程邵知音少，雲黯燕山恨不平。

追挽楊文獻公二首

九龍猶未復金源，柱石儒臣不假年。社稷隕靈興廢定，圭璋無玷死生全。筆頭黼黻能華國，掌上星辰解補天。景畧格言今在耳，空令有識淚如泉。

晚進無由拜搢紳，空將行錄問前津。身兼達德智仁勇，學貫三才天地人。月落丹山嗟鳳鳥，風悲大野哭麒麟。文章從此無公論，安得餘波灑後塵。

送董巨源

錯落霜華李子裘，茫茫何處是西周。乾坤破碎無元氣，歲月蹉跎漫客愁。舉世橫身歸虎口，幾人懷策射龍頭。相逢不得從容地，空着長歌慰遠遊。

挽喬侯

挾槩歸來鬢未霜，便如王霸出東陽。風雲墮地空黃土，劍
甲埋光慘白楊。壯節固應書北闕，英名更好刻西郎。傳家
有子無遺恨，珠樹蘭花滿玉堂。

老馬

百戰歸來力不任，消殘神俊老侵侵。青頭自惜千金骨，伏
蹇仍存萬里心。歲月淹延身已老，風塵磨滅塞垣深。短歌
聲斷銀壺缺，常記當年烈士吟。

詠史

八朝高祖擅英聲，盡以英雄策不成。曾覩規模為故事，帝
堯禪讓竟虛名。貪夫怯盜仁義害，君子欺人弄甲兵。天下
區區幾千祀，誰能端肯為蒼生。

壽毛德義

振落紛華別得天，誦詩學道便超然。黃花明月琴三弄，綠
竹清風易一編。本與聖賢相對偶，却教塵土強拘攣。他年
看取騎鯨去，搖曳長裾入紫煙。

題楊之美尚書寄王運使守太原書後

憶昔風塵暗兩京，北門此日賴貞卿。乾坤翻覆見忠節，臣
子危亡置死生。一柱數年支大厦，孤軍千里重長城。尺書
便是中丞傳，讀者猶能感義聲。

哭高監察

問學淵源筭略長中樞近右轉臺即繡衣春照金宮日白
筆寒生玉殿霜亡國失身雖共苦無兒死客獨堪傷摩挲

翠琰徐河道駐馬西風淚幾行先生諱焜字士美遂州人

都事學術純正轉監察御史金亡入燕喪子感疾而卒居

順天嘗語僕以讀書作文法故其卒賦詩以哭之今順天

北徐河橋上修橋碑先生之

父部轉使之文也故及之

誓將餘燼熾高光誰意區區竟蜀亡三顧雄圖起諸葛一

生遺恨逐劉璋吞吳絕援誠無策為羽誅讐義不亡可惜

後人私漢統周文孰與漢中王

南堂即事

芙蓉禪房絕點埃鬱蒸襟袖迥然開半軒流水移天去清

榻雄風送雨來不記閑愁千萬種有時清唱兩三盃輕鷗

也自知人意浮入驚波却便回

大宛二馬天廐所育詔賜張蔡公

二馬飄飄萬里來玉花蕭颯上金臺風生兩耳雲霄近電

掣雙瞳日月開渥水虎文連殺氣大宛龍種絕氛埃將軍

正欲成勲業看汝驍騰展驥才

落花

彩雲紅雨暗長門翡翠枝餘萼綠痕桃李東風蝴蝶夢關

山明月杜鵑魂玉欄煙冷空千樹金谷香銷謾一樽狼籍

滿庭君莫掃且留春色到黃昏

哭魏先生

臨危正色義巍然曾之三軍請武仙赤子共知歸大老晚
生獨喜見先賢靈骨歸丘園詔鬼域潛生李郭船高棟
傾摧更誰屋衣冠空淚欲平天

挽劉善甫

葱蔥玉樹照清秋踏蹬群倫正黑頭方以孝廉升茂等便
能籌策佐賢侯氣凌天宇虹千丈怒入東風土一丘寂寞
神交與英爽幾回中夜淚橫流

挽賈叔儀

把臂論交氣吐霓青天白日快襟期誰知夜半驚鸞去謾
使秋殘獨鶴悲劫火只燒希世寶惡風偏擯出林枝玉昆
新有池唐句夢斷空看墮淚詩

哭祁陽賈侯

萬卷嶮雲慘六經三千拊髀惜生靈地維斷絕翻河海天
柱傾摧變日星相印不交虛左揆袞衣忽斂閉幽菴思門
知己將何報淚洗貞珉刻墓銘

哭蕭侯孟圭

譙都狠蠹政中傷毒手陰謀果扼吭方喜明時見麟鳳忽
驚平地碎圭璋人心甚海誰能測天道如弓不可量為告

遺孤休舐血玉壺水鑑有賢王

挽劉房山

節鉞盧龍十令公紫髯如戟氣如虹半生笑殺春閨月一
夜歌殘玉樹風義獻典刑存筆外遼金興廢列甯中飄零
竟向梁園死苦淚空隨卞水東

題李轉運碑後

宣政宵人禍搢紳先生道義獨能存恨身不入蘇黃黨此
足可登童蔡門賴有高文見完節惜無佳語為招魂屠龍
大筆神明護滄海遺珠在後昆

次韻答王國範

入長途樽酒風雲日便踈白壁暗投皆若此赤
心知己更誰歟不能北闕紆奇策甘向南山守敝廬抱膝
長吟意蕭索半生辜負五車書

靜香亭二首

南風吹綠滿庭槐門巷翛然絕點埃紅玉生煙塵世隔錦
繡遊日洞天開鶯知好客飛無語蝶為新花去復來好着
生前無限酒浩歌長醉亂霞堆

小山曲檻映回廊別有一天深處藏人物風流還似晉衣
冠儒雅尚如唐四圍紅錦香風軟滿地綠陰清晝長坐久
杳然忘世味碧雲高興欲飛揚

燕自兩河之戰遂非唐有
荐罹遼金幾四百年然而

不漸宣政佛摩之化豪勁任俠渾厚敦雅猶有
唐之遺風焉故是詩有衣冠儒雅尚如唐之句

題涿郡昭烈皇帝廟

興王百折似高皇垂老纔能據一方
鄴下只知移漢鼎江東不肯對劉郎
千年生長村猶在三代君臣道未忘
涿水都為永安淚子規啼血怨樓桑

衛南感

衛北傳聞卷甲趨衛南誰忘却南驅
百年曆數雖當盡水注乾坤便可輸
漢割鴻溝還闕楚蜀亡江表益征吳
兵家勝敗尋常事萬折猶堅立丈夫

靈巖道中

輕騎長鞭踏老埃蕭靈爽氣動靈臺
霜餘落水三秋盡日照扶桑半夜開
袖裏還携泰山去筆頭又卷東海來
臨風悵望有所憶魯連安期安在哉

金線泉

不着靈犀水自分輕金一縷見天根
飛來寒電空留影灑盡春冰尚有痕
亂劃波心還便續醉探泉眼不能揮
冥冥化窟呼真宰此理須當與細論

過臨淄

區宇沉雄海岱間漢家曾着此秦關
風煙老樹千年國金碧斜陽一片山
管仲霸圖無謂小魯連高義孰能攀
半生

失意仍漂泊嘆舊懷賢益厚顏

竹溪

竹溪無竹背陰崖澗石參差清老苔六逸于今竟何往四
賢不復更誰來葉邊重覓懷英畫天末空思太白才為向
居民問遺跡路南祇有看山臺泰安文廟有羊祜孫
復石介党世傑四賢祠

哀李文甫

亂來嗟嘆子衿風英俊無聊坐死窮數用舊書塵滿甑一
間空屋淡霑蓬最伶短折拋殘婦忍見啾嚶哭駭重收拾
同門二三子挽輿權厝草岡東文甫保州清苑人其父祖
皆第進士為顯官金亡以
孤童歸鄉里教授句讀安於貧窶年三十
一歲疾卒經嘗與之游故賦是詩以哀之

哭亡友孟振文

簪笏箕裘出鼎腴泥塗誰使擲瓊琚負骸千里還墟墓泣
血三年殞敝廬聞說朱衣畏金石豈期白粥亦癰疽羈孤
擦亂號殘婦淚浸床頭幾冊書振文順天軍鄴度使某之
孫故須城令某之子轉運
使李公特立之甥也幼孤三十年後始於河南登封求得
父遺體負歸南葬於清苑先塋而喪其母母喪適終而
痛發背
李故云

曉渡滎河

旌旗斷續出林巒部曲喧騰過石灘殘月沒時愁地險宿
雲收處覺天寬自知不武還為將漫使閑身也屬官落盡
黃榆秋老色楚山青曉石樓寒

營獨山谷

秋風獵獵建牙旗月澹昏黃馬不嘶區脫定時林影黑邏
兵行處草聲低豺狼遠跡終宵道烏鵲驚飛到曉啼中夜
幾迴還自惜缺壺歌罷意淒迷

德安道中聞大軍渡江

萬騎吞江勢欲乾江神一夜倒狂瀾縱橫奇計山河壯霹
靂先聲草木寒下令推恩今始見存心不殺古猶難天將
海宇都平蕩休道東南有謝安

公夫人毛氏挽章

雍容二十四城春叶贊元戎作虎臣家法自傳土令尹流

風後見謝夫人種香忽去花辭樹秋月俄空鏡掩塵最苦
一年門下客不能執紼在江濱

孟少保後園四題

芙蓉

池館無人花正愁仙家城郭楚江頭一簾斜日錦雲晚萬
里西風紅露秋深院周圍情脉脉小山側畔思悠悠祇應
來歲蓬蒿底埋没兵塵取次休

木犀

湖玉山前綠玉房靈犀幾點透心香麝塵和露花間結金
粟嫌風葉底藏着莫生情動騷客殷勤通信與春娘短襟

翠袖偏能惜戴了還看意緒長

山茶

雪鳥歌斜綠葉稀梅邊竹底弄嬌姿小山曲檻偏宜着飛
蝶狂蜂總不知秦樹怨離拋翡翠漢宮愁絕冷臙脂內家
最愛常留得生色屏風有數枝

瑞香

羽葆層層細花甲梅初咲隔山茶兩三叢裏氤氳氣數
百年來富貴家雖三香淡團瑞雪翠翹春暖插輕霞主人
一去無消息庭戶蕭疎落晚鴉

題汶陽王大師彥章廟

不許乾坤屬李唐孤軍直與決存亡大梁僅得延三日死
馬猶能敵五王誰意人間有馮道幸因身後遇歐陽千年
豹死留皮在破冢風雲繞鐵槍

晚登徐州黃樓

人物河山自古雄郡人尤說大蘇公黃樓去後風波惡赤
壁歸來文字工戲馬尚能存壯觀沐猴且莫笑重瞳我來
慨嘆懷今昔樽酒超超駐晚風

題留城留侯廟

龍蛇繞亂出氛埃隆準相逢帝業開三世相韓彭劍起一
言平楚據鞍回掃除亂略伊周輩駕馭英雄管樂才崔浩

張賓是何者敢將驥駮比駑駘

宿州夜雨

飛電穿牕滿室光却從陡黑見昏黃雷霆半夜翻龍窟風
雨終宵撼客床塞上詩懷尤索莫天涯壯氣獨昂藏星塵
何日平康了兩國長令似一王

震南樓

危樓雄壓楚氛收緩帶輕裘日燕游赤羽萬夫開虎幕黃
流一曲枕鰲頭天高樹老關河暮水落雲枯澤國秋此地
誰教限南北蒼茫極目使人愁

以三第庸將別憶二第尋

風水葉下湘潭鄉思離愁兩不堪二第分襟向河朔一
身持節使江南斷鴻嘯嘯催秋別踈雨零零梗夜談莫為
他邦重懷憶要將忠義塵煙嵐

汝洲夜泊

一來駐泊便淹旬洲渚人家鴈鷺村蒲地月明疑白晝半
帆煙影易黃昏天連平楚無邊闊河入長淮徹底渾夷甫
諸人憑寄語莫教石勒上東門

九月晦盱眙南爲何待制壽

雲國回春事亦難毋將和議動龍顏不辭漠北三千里喜
見淮南第一山總謂豚魚知信使誰言虎豹守天關先生

此舉真豪傑鶴髮遨遊二帝間

奉和詳議叔蠟梅之什

蠟顛含春色更嬌物窮宜着點枯條日融蜂翅黃將破雪
壓檀心紫欲消驛使最憐和竹把野人不惜並薪燒何當
走馬燕南道管領東風玉燭調

月丹

小艇移來江漲橋盤盤矮格仍嬌行雲散月瑤紅玉香

霧凝春翦絳綃一種是花偏富貴三冬無物比妖嬈廣寒

記憶曾攀折滿殿光搖照紫霄

王承宣致月丹一本云山
茶大者四月月又大者曰

照殿紅故
為賦此

館中書懷

一夜風濤淘客床覺來無處問行藏頭皮新起鄰鄰雲鬢
脚潛生短短霜李順包藏情已露王驩朝莫意難量事成
却被庸人覆心緒和梅也不香

蟹房山方鏡二首

銅老寒芒欲動搖斬然圭角背鸞翹四邊蝕却月猶在一
段裁成冰不消挂向霜臺空耿耿照來蓬鬢謾蕭蕭好將
物鑑為人鑑圓行圓幾滿可朝

端坐無塵電影飄先生心印見秋毫水池落手洞庭小五
井涵天太華高物外將迎何足數世間妍醜莫能逃開奩

一照還驚掩疑有蒼虬噴雪濤

伴使秦文舉欲入維揚故賦詩以見意

東風吹落瓊花雨南浦潛生荔子煙
夜久有懷聞獨鶴春歸無語怨啼鵲
天沉海底澗金鎖日隱鰲頭頓玉鞭
千尺絲綸萬年井文園消渴竟誰憐

芍藥

王承宣送楊州芍藥數本

夜來風雨洗殘春芍藥還開春又新
入座忽驚鴛鴦持酒客舉盃先酌
送花人煙輕雪膩羊容質露重霞香
婀娜身鐵石肝腸總銷鑠都將軟語
說風神

瓊花

淮南江北春三月天上人間玉一株
有地歆移移不得見北方落落還無
冰蕤膩瓊開香露金粟銜青蕤藥珠
聞說隋家自亡國莫將詩句重相誣

館中書懷

星麾留滯楚江邊葉落尊空又一年
兀坐政如游黑海舉頭時復見青天
拘同姜里難重易拙甚楊雄愧草玄
聞說長歌猶慟哭慰愁賴得有詩篇

晚步

花落深庭步晚風雨苔生綠上幽叢
黃鸝隔葉啼巖桂翠碧板枝啄海紅
靜裏細吟詩有趣閑中遐想事無窮
江雲

不定生愁思白疊為鱗散遠空

為劉詳議壽

鶴髮垂肩雪滿鬢故鄉耆德更誰如風流杜牧心尤壯湖
海元龍氣不除白酒芙蓉秋爛熳青山桑梓日蕭疎去年
淮上今江上安德榻觴向弊廬

曉起

屠龍心事碧雲重臥誦離騷嘆我儂墮甑幾回傷往事斷
蓬何處着孤蹤鴈啼楊子江心月風遶金山寺裏鐘喚起
小童添半臂且乘曉露看芙蓉

湯計議生朝

一夜芙蓉着早霜江風吹浪到中堂兩朝和氣回春色百
萬生靈入壽觴傾蓋便能知肺腑舉盃時復露衷腸靈椿
木老多丹桂今日燕山寶十郎

湯特年四十七八一子請舉
一知無錫縣二補大學上舍

生朝祭先有感

金桶堆盤薦子丹瓊花滿奠沈山風生香案空遙拜月
掩重門尚未還目斷松楸心耿耿氣填胸臆淚潸潸三冬
又盡三年數兩鬢無成兩鬢斑

先大夫忌日

墨經歸來草滿墳擬將還葬奉遺言幾年竟墮蹉跎計萬
里徒勞慘澹魂客裏可堪逢忌日夢中却得見生存

平生如遙知今夜佳兒女哭斷寒雲靜掩門

為劉郎中壽

翠羽同舟共陸沉蕭條江館歲華深艱危愈識斷金義險阻尤在底柱心表海亭亭邊今昔事雲門山下短長吟幾時拂拭塵埃了尊酒盟寒却重尋

鏡鄉亭

薄薄輕雲似霧塵陰陰江氣冷使人一庭芳草留連客兩樹天桃斷送春檻外流鶯仍語巧梁間旅燕又巢新東城飲伴西湖柳寒食中間入夢頻

望金陵

雲際參差是石頭天浮斜日鴈橫秋誰將故國千年恨都付長江萬古流破屋殘城未埋骨焦頭爛額盡封侯不逢四海為家日獨立蒼茫漫起愁

贈都事苟正甫

接屋連塼受學初嶄嶄頭角氣凌虛持鬚便敢刺雙虎回首還看總一猪未齧子卿瓊上雪且傳黃霸獄中書天教三士從重耳返國尊王儘有餘

甲子秋懷

江館無家久似家西風院落老天涯黃纏薯蕷猶多葉綠擁芙蓉尚未花紋幕墜塵歸晚燕窺池生草窟秋蛙枯腸

歌斷誰濡沫擊柝聲中夜煮茶

秋晚後園獨步

孤館年深草自荒愁來無語立斜陽裂冠毀冕霜鷄紫接
屋連墻露菊黃仰視飛鴻腸欲斷佇聞靈鵲恨尤長中原
萬里家何在江氣霏霏水潑裳

壽劉詳議

坐數年華更覺頻今年猶在大江濱却秦但惜侯嬴老反
晉全憑舅犯親把酒相看如夢寐園基正急羨精神丹心
不誤蒼生命果并從渠白髮新

晚步

薄寒孤影澹黃昏步出空齋自掩門霜落池萍清見底風
凋庭樹靜歸根天高鴈去人千里江闊烏鷺只一痕兩國
音塵俱斷絕幾年懷抱與誰論

丙寅新館重九

幾度重陽雜溷蛙舟中一夜總仇家半囚半客儀真館不
死不生楊子衙巖桂渾疑是楓葉牡丹誰使作黃花強將
瓊露澆斜日萬里西風萬里霞

是日伴使送木犀一瓶牡丹菊一本故云

丁卯春日夜飲見月

新年新月照愁人白髮新添愁更新擬着長鞭遊海外豈
期孤劍坐江濱醉殘蠟炬前冬酒開盡梅花今夜春自占

行藏有天命不須兒女淚露巾

雨中飲臘封瓊露

簷溜琅琅戛玉繩陰氛鬱鬱釀炎蒸江湖不見繫書鴈風
雨偏驚墮網鷹天道本來愁似海人生安得酒如澆臘封
頰有瓊花在痛飲從渠變谷陵

修易外傳太極演

暮四朝三等賦組斗升幸得活枯魚深庭寂寂都忘世長
日沉沉且著書根本還將太極演規模直向先天初興來
徑着江濡筆事去從渠雪滿梳

贈馬德璘

持節寧知墮甌空政當竭力効公忠鬢毛變白烏元黑頭
角尤高馬自童日月麗天常轉北江河宗海必朝東下惟
講誦朝還夕玉振金聲道不窮

贈魏斌

我解屠龍推第一君能射虎說無雙乾坤磊落心何愧歲
月蹉跎義不降白刃斬祛離舊館黑風吹血破寒江競將
康瓠欺神鼎正賴孤忠力與扛

戊辰新館守歲贈正甫書狀

坐上春回北斗邊梅花驚落燭花前六人同出今三歲一
夕相看是十年行入玉門持漢節却朝金闕見唐天不須

更作楚囚泣歸馬東風快着鞭

勉孔進學

萬卷撐腸是丈夫豈宜冠玉作庸愚學書便得吾家法開
卷願為君子儒十載甘心作蘇武九齡誰意得童烏天將
男子屠龍技着力須探領下珠

己巳三月二十六日二首

春來渾不見花枝春去蕭條總不知有酒四時難有與無
情三月竟無詩歸鴻恨別排雲遠雙燕嫌孤入戶遲江渴
風高還欲斷魚龍宛轉亦堪悲

夢遊故國人仍獨春到空梁燕自雙雲淡星疎祇見斗浪

不聞江五更鼓角纏孤枕千里關河入破窻落盡
春老依然塵土惜金杠

庚午夏至夜雨

至日元陽霖甲子中霄陰氣一何豪龍蛇起陸乾坤黑風
翻江鼓角高病骨濕侵寒似水冤腸恨入毒於刀幾回
起推床語白地南來坐鐵牢

壽正甫書狀

歲晚途窮漢却遙秋高江閣尉佗驕銀潢鴈度五更月赤
岸鯨吹半夜潮世路從來多梗塞雲天無日不風颺艱危
正要宵襟豁磊礫須將斗酒澆

杜少陵王宰山水圖歌赤岸水與銀河通赤岸在瓜

步山東南連皇天蕩海濤入江衝激六七百里金陵之至險也直儀貞西南故有銀潢赤岸之句

壽正甫書狀

江城兀坐聽秋聲
羨殺西風鴈背輕
一紀乃能同患難
數盃聊復慰生平
新書總付徐無黨
半臂誰添宋子京
昨夜大行還入夢
倚天青碧太河橫

京之句

時余改修三國志正甫為余書註故有徐無黨宋子

郝文忠公陵川文集卷之十三

文忠公陵川文集卷之十四

律詩

升賢村二首

棗栗荒山脚懸崖石作墻
共言長樂老此是讀書莊
五季乾坤黑三綱道義亡
誰云不直死更請問歐陽
兩嶺青林夾孤山黑石圍
雲携踈雨過風約斷虹飛
為告奸雄叟難逃筆削譏
荒村好終老白首竟忘歸

張燕公讀書臺

石窟煙龕黑懸崖隱斷碑
崢嶸大手筆突兀小須彌
天入無邊闊山臨欲盡危
祇應秉釣日憶得讀書時

寓感二首

天運不可測人心空自疑茅廬與耕釣遭遇亦其時火鼠
能爲布水蠶自吐絲區區路傍馬笑殺抱關兒
前途如闇室長夜老乾坤怪字書衾裂繁雲蔽月昏悠悠
心曷展落落志仍存反側不成寐西風葉打門

過友人故居

不見青雲士唯餘數畝宮斷墻藜藿滿破屋子孫窮肝膽
交游在文章事業空舊時同坐榻閑臥夕陽中

送王國範北上

一別恒陽下雲霄忽羽儀耻爲州郡屈直結帝王知歲月

不我與河山空自竒黃塵愧先達感繫入新詩

送宋和甫從軍

北陸開新運爭依日月光一時乘變化萬里快騰驤碧海
轉鯨背青雲列鴈行春風吹錦浪好看三湘

下泰山題貞君觀壁

黃峴趨迴馬州人競捧觴忽驚天上夢猶帶日邊光絕頂
秦碑裂陰崖漢栢香行行重回首瞻仰意難忘

開平新宮五十韻

日月旋天蓋星辰合斗樞光騰掌內鐵氣繞澤中蒲金帛
蓋重賜弓刀奮一呼貞人翔灞上天馬出余吾尺筮初開

闢羣雄競走趨無勞爲更舉乘勝即長驅蹴踏千年雪
騰萬里駒長城衝忽斷弱水飲先枯肅殺威靈盛驅除運
會俱華夷塵瀕洞天地位模糊地盡諸蕃外兵窮兩海隅
九州皆瓦礫萬國一榛蕪誰與重休息徒爲妄駭吁治平
須化日殺伐豈良圖聖子曾當璧神孫會握符鐵山深蘊
玉瀚海特生珠曆數終當在謳歌信不誣欲成仁義俗先
定帝王都畿甸臨中國河山擁奧區燕雲雄地勢遼碣壯
天衢峻嶺蟠沙磧重門限扼狐侵淫冠帶近參錯土風殊
翠擁和龍柳黃飛盛樂榆岐山鳴鸞鷲冀野牧駒駝風入
松杉勁霜涵水草腴穹廬罷遷徙區脫省勤劬階上遵堯
典卑宮協禹謨既能避風雨何用飾金朱棟宇雄新造城
隍圯力扶建瓴增壯觀定鼎見規模五讓登皇極群生賜
大醜還聞却走馬即見地威孤簡策詢前代弓旌聘老儒
煇弘田一氣徼倖絕多途雷雨施龐澤乾坤洗舊汙直爲
提赤子遂使出洪爐遠檄收疲薶窮邊罷轉輸江壩遺鄂
岳石爲棄巴渝刀槊存殘骨膏粱換毒痛却令逢有道免
使三無辜契闊還同室綬惇得字孤八荒皆壽域六合極
歡娛白叟休垂泣蒼生獲再蘇只知期用夏更擬論平吳
旭日天透仁君雪國無終能到周漢亦足致唐虞遇主
得知已逢時合捨軀拜兵通信誓奉詔敢踟躕頓覺心田

豁還將肝紙剗行行重回首瑞氣滿闔閣

不寐

夜久不成寐蒼茫自詠詩客懷山月老春信野梅遲喜子
垂牕隙燈花落硯池私應有行色失語問何時

春夜

春雨江湖夜東風花柳寒舉頭不見日何處是長安歲月
纏星節乾坤遶血盤控拳紛愈甚排難古來難

儀真館中暑一百韻

五載淹江館三年錯雨暘熱中蒸滯氣涸轍斷枯腸黑井
鼎煎火紅爐鐵鍊鋼幘幪加誕罔坎窞觸機張直柱

慘窮堅着命當鼻煙從燎炬溝汗盡翻漿噎塞難通七摧
頹懶揭裳沾濡粘弊徒毒螫上空床旣擁輪困肉瓶熬感
沸湯噉喝氣尤偃叫吼怒如狂曉瘴煤生柱晴霾土抹墻
片雲遮日薄疎雨灑晴忙熒惑凝青血長庚迸赤芒稿天
高破碎乾月死昏黃翁鳩渾無露萎蕉似有霜燕呀棲不
壘鳶跼墮難翔雷殷轟蚊塔沙生閻域槍飛螢空自爇戰
蟻竟深藏盤礴摧腰脊低垂塌目睚本來觀化日誰使遇
愆陽風土聞南國江山異朔方豈期惟酷烈無處別炎涼
故國包全晉吾家壓太行高寒雄地勢瀟灑靜雲莊六月
衣冠冷千年草木香長松撼潮海絕壁隱虛堂却到燕山

北行歌易水傍鴈霜凋夏木鳩雨潤春桑聘幣輝光重徵
車道路長沙陀瞻帝里雪谷拜天王的燦星銜凍嚴凝日
隱光群雄奮冰窟六合入羶囊半世無蒸濕于今重禍殃
襟裾堆蚤虱肘腋沸蜩蟬豈免泥塗辱還令羽翮收甘言
雖未已毒手益難量夾柵仍規覘重圍更限防整門深虎
圈擊柝開魚柳箝逼鑪錘密校梧梢吻荒金箭亭前
俎食非強氣數俱臻極天人盡反常旱灾綿歲月禍
膏旨重怒非長策佳兵甚不祥抑掄肆巖阻鄙外極
信誓猶然在明徵固夫一且令心匪石儘自口如簧
愁仍積吁嗟氣不揚行人竟何罪國體豈無傷反已私尤

責知微實愧惶逢時當際會援溺止懷襄自縛懸難解
人律否臧惡心煨肺腹畏景急炮焙欲掘陰山鼠翻思雪
窖羊履危從蹇剝挺節不低昂伊昔當崇慶金源復靖康
白虹纏帝座紫電激天狼傳說騎箕尾王良策駟房一龍
轟霹靂萬馬快騰驤歷塊無完國蜚鋒舉斷吭纔聞過燕
趙又已出河湟此際通和好惟時正擾攘渾如沃薪水大
似堰流糠狼籍三峯敗顛連五國亡濟師攻汴蔡徽節到
餘杭海上盟空閣城南事渺茫劔關開要害淮海失城隍
寓縣餘骸骨乾坤一疇瘡百年血肉運萬里戰爭場邊將
徵功賞兵人藉糗糧居然忘厄會但請復侵疆虎怒寧須

激鯨吞更請嘗肌膏坐銷鑠節鉞漫熒煌破屋渾生亂方
畦孰種秧蕪蕪沒洲渚潢潦漫陂塘莽蒼人何在陰森鬼
正偃鴈兵秋滾滾魚窟夜遑遑豈忍仍擠石無爲更藥瘍
櫬槍開三紀絲帛素千箱已亂仁明出中興祚胤昌勝殘
須必世奕葉始呈芳秦府鳳麟質周家金玉相河山收殺
氣雲漢煥文章潛邸人皆仰春宮德益彰厭兵符太母歸
馬勸先皇禮樂尊周孔聲名慕漢唐恢弘張治具突兀振
乾綱駿發渝平急鋪敦大命將奉書紙局脊馳驛敢彷徨
加額人皆賀摩肩衆所望只今全父子無復痛孤孀延入
拘營壘周羅匝廡廊只將人桎梏不用鐵銀鐻龍節埋泥

弄狐涎汨土甌焚身無取齒避竈豈爭炆炎赫惟加熾風
颺不許涼祗愁化灰盡何處薦珪璋天問終無語冥搜未
易詳艱屯果誰敢壞亂實難匡有賦誇鸚鵡無媒獻驪驄
何當快風雨吹去臥滄浪

二月二十三日猶在儀真館三首

向晚日華紫殷然轟夜雷龍蛇開蟄窟桃李動春臺淚逐
催花雨心同發火灰何由復龍動百感坐中來

一年淹使節二月駭春雷瘴入江心黑雲銜雨脚灰壯心
還激烈滯氣忽塞開明日誰聊賴鶯花故惱來

二月還如夏炎蒸鬱震驚迅霆侵骨冷飛電透心明海氣

雪衾濕江聲拍枕平從今休禁火一雨萬家生

是月初二日火二十

日丑刻火午刻復火一月凡三火獨遺舍館及曹臺州治在故有是句

月夜感懷

去國背星歲無家阻萬金江山沉苦思花月動哀吟變故
空長策蹉跎惜此心遙憐燈火罷兒女夜愁深

江暑

地軸風濤浸吳門江海流四時長似夏一雨便成秋煙潤
青紗幕香濛白氎裘燕山猶避暑今日向江頭

壽何待制

歲月閑丹竈乾坤坐白頭幾迴看北斗何日見西周盤谷

蘭化老天壇桂葉稠會當逃世網共與赤松遊

雨中感懷

舍館年年老江邊日日陰雨聲便熟睡花氣動幽吟樹密
鶯愁濕庭荒雀畏深晚風吹鼓角慙愧弭兵心

薄莫二首

薄莫秋雲合江聲靜暮來無聊空徒倚失志重徘徊細雨
金桃落踈煙玉鳳開相看如夢寐觸物總傷懷

棘柵今年改庭隄展半陰草依斜徑短苔入後墻深歲遠
人空老時危事益沉頻頻問烏鵲何日有佳音

曉起

傍枕衾稠薄還家夢亦難月華終夜白江氣先秋寒心苦
天爲碎辭窮海欲乾起來看北斗何日見長安

聖節

六年瞻北闕八月拜西風水雪天王聖河山帝業雄但令
旄節在焉問酒樽空屬國歸何晚浮江有阿童

壽劉詳議

甲子數盈亥神強志不衰共知憐絳老誰與問鍾儀萍梗
三朝夢乾坤兩鬢鬢絲得年萬事足爛醉復何辭

江雲

江雲似江水渺渺復粼粼掩靄無窮態紆餘不盡意

斷行鴈望殺未歸人何日星軺路馮高更憶親

新館感春四首

東風吹散楊水氣撲虛簷月窟星河澹江城鼓角嚴年深
秋不醒春至恨猶添爲問秦通守何顏說錦簾
行李金昏節腰圍玉搏鞞居然隔天日不許出門庭歲月
侵霜鬢乾坤誤六經誰邊覓春色墻上草還青

佇立無人語巡簷思慘然夜江寒浸月春樹暝生煙計拙
仍持節途窮擬問天難爲繞指鐵萬折志彌堅

憶昔清明際昏昏醉裏身吟魂半惚月花影一簾春豈意
傷心別空勞入夢頻漫聞烏與鵲悵望幾迴嗔

丁卯夏六月大雨震電

雨連江表黑電入海東紅川瀆翻冥漲乾坤破猛風忽聞
金碧界幻出水晶宮我欲乘時去長歌向此中

八月九日甲子夜雨

久旱雨亦好還霖甲子秋陰森當月黑黯黯作天愁北海
涵疑落西風浩不收凜然寒入骨鄉思滿床頭

九月五日念母

思子甚思母祇應淚更多尚無歸國日其柰倚門何江漢
悲溫嶠詩書愧孟軻今朝誰獻壽庭戶可張羅

戊辰寒食

今歲明寒食梨花月正圓客愁催我老春色向人偏強飲
稽留酒難辭簇送筵杜鵑休浪語歸去更何年

贈魏斌

熊虎無堅對風雲滿義襟每將孤劍說但惜三毛侵貫日
臨危節嶮天討賊心中原有期運莫畏歲華深

傳易有感

故國河山表中原斗極邊稽留深失計還反竟何年風雨
纏孤劍鹿垓委斷編漫窮西伯易誰好子雲玄

壽正甫書壯往歲正甫壽予以詩今歲復用其韻
以壽之

續縷心尤壯崔嵬志不遷雖云寬土窄猶有片天園吾道
艱危久君才賦予偏抗秦完白壁禦寇效青氈遂使干旄
在終當斗印懸物窮寧不返期逝未爲愆在我都無愧從
渠遂弗悛風雲纏怒虎霹靂墮寒蟬真玉千燒冷渾金百
折堅十年仍噉雪一念久通天莫信枉能直誰言典則全
會將乖頷抉還把怒鬚編得失兩端了安危一着先真區
初罔象陸海本忘筌日月圓機轉乾坤大器珽屈伸成變
化來往共回旋困極難移石潛深可脫淵九原驚奮迅八
表會飛騫蘇武終歸漢田疇不負燕河山生喜色戲綵舊
堂前

新館夜聞杜鵑二首

啼落深江月催殘故國春不堪多恨鳥啼未歸人血盡
腸應斷哀餘聲更頻關心尤入耳一枕夜愁新
久客難勝感那聞泣血禽乾坤心緒苦歲月鬢毛深亡國
元多恨催春漫好音館人將楮樹何處沒青林

壬申二月四日二首

庭雨滋春草江煙濕落梅病多剛斷酒席合亦持盃氣數
宜難測乾坤莽不迴還看仍燭燭未肯著寒灰
成鼓晚來急春潮夜有聲燭花侵坐落梅影上窗橫小酌
歡尤洽孤吟興愈清最憐星散後一枕故山情

病中即事

久客難堪病衰頽倍覺秋空杯仍自舉墮旣復何求兩度
交金火連年紀斗牛道窮還遇此安得見西周

十二月十七日大風雪

海立陰風黑冰床報雪威紛披平地袞攪擾半夫飛惚際
楊花亂簷前穀穗肥還聞八千騎飽肉飲江歸

俗謂冰顆為冰床有

則有大雪又謂簷前冰柱為穀穗長大則豐年之祥也

癸酉閏六月十三日夜病中聞笛二首

深夜涼風發迢迢送笛聲只愁江月破不放野雲行怨曲
人多感離腸恨易生病中稚坐起傾側若為情

陸續誰家笛噫鳴入耳偏燕山記疇惜江館是何年餘響
星河外羈羗月露邊那堪更三弄老淚已如泉

郝文忠公陵川文集卷之十五

七言絕句

滿城道中二首

溪水隨城隄屈伸夕陽亂閃碧金鱗沙堤帶草鳥啼健山
色逼人詩句新

十二西郎縹緲中顏行壁立插晴空歌携天地諸山去不
逐秦鞭過海東

抱陽寺

孱顏蒼玉抱幽村突兀雙龍窟宅尊回首萬山東盡處冷
煙平遠半乾坤

郎山

晚風吹散樹頭雲斜日燒開水外村十二西郎來馬上翠
鋒蒼戟倚天門

九日郭外二首

溪上蒼煙一道開誰家日夕採菱回片帆不舉波間過無
限好山波底來

萋萋宿草暗荒丘落日徘徊上上頭一曲悲歌天地窄恠
人獨鳥入長楸

讀張良傳

顛羸滅項復韓讎便與赤松方外游丞相蕭何功第一白

頭不免漢家囚

讀則天紀

則天未了立肅后武惠纒薨策太真誰使唐家多女禍晉
陽宮裏雀宮人

讀唐文粹

琅玕玉振粲珠光一代雄文照李唐底事平淮碑一首文
公不載載文昌

醉後二首

何須黑白太分明不必區區話獨醒四海蒼生皆醉飽我
將荷鋪學劉伶

誰將元氣釀春風
解潑愁人磊砢
曾只是忘憂不忘國
徑當一飲竭千鍾

張侯宅新竹四首

斫盡凡材直幹生
脫繡直欲與雲平
珊珊戛戛風來去
常有湘江夜雨聲

孤根北地久難生
全仗扶持長育成
敢借他年數稍力
掃除氛祲見澄清

踈陰杳杳色霑衣
恰似瀘溪月下時
可恨一枝高更秀
背人偏被惡風吹

四座清陰上綺羅
交青雜翠嫩煙和
閒花閑草遙相映
更覺森森逸氣多

讀晉武紀

怡下曹丕受禪臺
賊臣女寵競姦回
夕陽亭上一杯酒
又喚五胡諸夏來

即事

一簇花枝鬧酒卮
兩家佳婦與佳兒
半生失意元多感
更見男婚女嫁時

獨酌

歌罷長歌酒自傾
休嗟屈子愛劉伶
如今識破人間事
獨醉從來勝獨醒

蠶

作繭纔成便弃捐可憐辛苦爲誰寒不如蛛腹長絲滿連
結朱簷與畫欄

西園姚黃

四圍國色闋新粧一本當中淡淡黃三十六宮簾盡捲沉
香亭下看明皇

題明皇私語圖

一旦妖姬屬亂兵當時私語竟何成祗應蜀道蒙塵日悔
不終宵問賈生

題芙蓉盆

戊申秋道士李師於中山治所後堂故基得東
坡先生雪堂圖書青玉潤瑩隸法鐫截四面各
五分方傳無紐蓋先生帥定武時所遺也九月
五日觀于芙蓉盆雪浪碑下因書一絕以寓感
云

辭却金鑾到雪堂中朝無復漢文章不須更論青苗力丈
八盆邊醉一場

羽扇

天山雪鵲落霜翎更比冰紉分外輕五丈原頭兵十萬縱
橫奇計指麾成

大風

土囊都不辨雄雌直把乾坤怒一吹我欲乘時起鵬運北
溟飛去到天池

三臺懷古二首

衰草遺臺尚幾層荒涼無復艷歌聲西陵儘有千年臭費
盡衛漳洗不清

涕泣呀嚶後事多高臺空着總惟歌一時姦偽雖難辨爭
柰天長地久何

蘇門八詠

百泉

碧玉山前玉鏡明亂山倒影睡龍驚蹴翻貝闕光零亂萬
斛明珠儘一傾

湧金

雲容天影與山光一片飛來浸夕陽萬古婆娑金世界海
神擲向水中央

梅溪

竹外青山竹裏泉嫩寒風力妥輕煙誰將景與詩人會正
是梅花欲雪天

卓水

竹梢低處見共山一水環流萬竹間飢鳳不來空闌苑晚

風吹碎碧琅玕

嘯臺

肉薄群狐尾血腥一天自作鳳凰鳴
聞風吹斷無消息老樹遺臺萬古情

仙人迹

八表遨遊入太清世塵十萬盡縱橫
翛然物外誰曾見無跡無蹤是善行

安樂窩

不見先生二百年老雲石室鎖荒寒
當時一理元無問何事都將四段看

月臺

飛仙挾月下崑丘擲向山頭更不收
却被巨靈偷挂魄太行山色照神州

陳橋門

一片黃袍着帝躬六軍謀逆爾何功
太平三百年基業都在當時涕泣中

龍德故宫懷古一十三首

常惟韓王智數多不從太祖據山河
黃流豈是天為漸青屋誰知是帝羅

國是當時總是非強將商鞅作臯鼈
莫言天變渾無畏不

見雷轟輿黨籍碑

蔡京姦計假荆公紹述雖同事豈同不向嶺南消禍本更從海上立奇功

禁絕蘇文碑盡磨中原不使見東坡牛童馬走能傳誦若此燒時數更多

覺察伊川不著書更將偽學重相誣至今江左傳伊洛依舊堂堂一太儒

銅黨紛紛快老姦敗盟更欲復燕山當時若使無夷禍不在權臣即宦官

人間未省有金國地底唯知幸鐵樓忽見城頭鷓鴣舞賣花聲斷不勝愁

萬歲山來窮九州汴堤猶有萬人愁中原自古多亡國亡宋誰知是石頭

復國誅讎事豈難背城借一據河山汴梁更不回頭望直送汪黃到浙間

少康一旅便南奔畀付英雄國可存宗澤云亡李綱罷衣冠不復到中原

却許邦昌爲紀信渾將秦檜作程嬰甘心江左爲東晉長使英雄氣不平

金人不敢駐幽燕劉豫猶令帝八年若守汴梁和且戰關

河一半尚能全

建炎新焰起江東
冤血青城尚幾重
閩越兩王還有後
天教太祖繼高宗

帥府雄開不即真
宋州躍馬趣曹門
只將京國爲根本
百戰能令社稷存

宮人斜

椒壁摧頽隱野蒿
妖狐篤簞噪空壕
美人一夜爲黃土
邸國夫人甲第高

宿邯鄲

青蔬白飯力加餐
且慰行人行路難
莫向夢中還說夢
世

問何處不邯鄲

射鴈

驚鴻數點亂長空
金鏃高穿帶響雄
部曲盡看鞭指處
冷雲一字落秋風

味貞庵

世間有味非真味
味到無時却是真
一食萬錢難下箸
簞瓢陋巷是何人

感興

不得意事十八九
可與言人而二三
無慮無愁一尊酒
短屏高枕日東南

帥正堂

秋渚芙蓉澹澹香
新亭爽氣釀新涼
晚風吹盡溪南雨
一片金煙掛夕陽

曉渡沙河

馬瘦潺潺石子灘
山頭曉月爛銀盤
一天清興重回首
霜露滿鞍風水寒

長蘆舟中遇風四首

海風栗栗刮鯨涎
吹裂西南一半天
瞋色忽開隨酒散
浪花和月上船舷
鏗鏗急雨射狂瀾
兩岸陰風蔓草寒
雲脚半天拖海氣
斷

虹忽落着飛湍

杯盤楚楚下中流
風順帆輕暮靄收
忽憶黃河轟飲日
翠綃涼月轉船頭

斥鹵誰知草木蕃
桑連平野麥連村
漁人遙指碧雲際
碣石東邊是海門

鰲漁者二首

一尺新魴綠柳穿
漁人饋我不論錢
斫開細雪銀膏瑩
旋折黃蘆蕪晚煙

短短蘆芽小小蒲
臨流舉網得嘉魚
船頭撥刺猶然活
試問前村有酒無

曹南道中憩關羽祠事二首

傳聞哨馬下江陵
青草湖南已受兵
關羽祠前重回首
荆州底事到今爭

白汗翻瓶馬不前
綠陰還得解鞍眠
塵容突兀祇何事
六月長途又一年

寓目

錯莫坤靈慘不春
搶攘戈戟鬧風塵
可憐萬里中原士
一段荆榛愁殺人

秋夕

心事悠悠逐去鴻
夢魂渺渺入西風
無邊木葉無窮恨

夜秋容滿鏡中

宿黃陂縣南

茅屋敲斜竹
蓬荒稻畦殘
水入方塘
管屯未定
斜陽下鴈
點秋煙不著行
稻糯今年分外
成家家準備樂
昇平誰知未獲
還拋却天
着豐年待北兵

賢王渡江

魚入王舟動日華
水天一片紫金霞
渡江千古誰能得
恰
到中原第四家

渡江中流贈楊宣撫

策馬南來便渡江臨流舉酒望賢王舟中賴有婁師德無
浪無風到滌黃

幽蘭軒

手殺官奴志自強孤軍百折竟天亡君臣義盡平日死絕
勝迎降軹道傍

太白入斗

聞說長庚是使星近來偏向斗牛明天官太史無多語玉
帛交馳不用兵

宿舊縣

故縣也

無風無浪片帆輕總道昇平在此行却向淮南望淮北斷

鴻聲裏斷煙橫

勝游

好處相逢是勝游兩年霜後到江頭盃盤狼籍西風老橙
檣香中過一秋

邵伯藕

蛟人折向水晶宮却着金刀截玉筒齒頰冰漿流不盡
然嚼碎雪玲瓏

霜後芙蓉

憔悴江頭秋牡丹南人棄擲北人看明妃出塞胭脂冷霜
滿琵琶淚滿鞍

燭花

江城深夜作輕寒金粟堆盤蠟炬殘應是燈花憐久客故
隨人意報平安

聞歸鳥

來時隨鴈向南來鴈北回時人未回至竟行藏豈由已且
添溫水浴踈梅

正月二日見月

小雪初晴卯色天虛庭搖曳動江煙忽聞歸鴈驚回首新
月梅梢又一年

送江梅還伴使

生席凝塵畫掩門客懷牢落阻江濱春來不見花消息却
着殘梅送主人

凌晨

凌晨聽鵲暮聽鴉夢裏關河枕上家應是皇州春色滿膽
瓶昨夜也開花

感賦

改館來芙蓉開罷海棠開梁間笑殺新來燕去
了重來尚未回

佛頂橙

玉人解作軟金盃刺盡金犀氣未回滿酌瓊醅歌水調碧

雲高興一天來

儀真館後園栽葵

開徹栽葵夏景深半墻紅錦卧堂陰
雨荒苔老無人跡傾盡區區向日心

楊子

楊子江邊不見江江聲隨雨入寒牕
憑誰載酒尋蘇二赤壁磯頭白鳥雙

館中春晚

春去春來總不知楊花誰使入簾帷
偶然得句還驚悟却是今宵夢裏詩

花落深庭日正長蜂何掠亂燕何忙
羅床不下凝塵滿消盡年光一炷香

八月十六日曉起見月

冷雲收盡月當西過却秋宵已失期
何事天公太相妬只教人看不圓時

聞鴈

觸處關心總可傷五年束手坐空堂
江深月黑風雨急一鴈飛鳴有底忙

橄欖

半青來子味難誇宜着山僧點蠟茶
若是堯家金帳底只

將金橘送沅霞

江靜

江靜天寒不啓關
梅華開却月丹殘
擬將斗柄占星歲
牕隙簷頭細細看

梅

欲吐檀心却倒垂
梅花只看半開時
折來細嚼還重嗅
歌罷離騷更詠詩

憶酒友

三年獨酌楚江濱
醉裏乾坤夢裏身
周顛近來添一斗
坐中不見洛陽人

喜雨

連時無雨已爲災
七月纔聞起怒雷
但得山田稻畦水
須露霽入城來

不寐

夢境都非得意時
覺來誰與論襟期
蟪蛄竟夜不成網
費盡千絲與萬絲

十樣小菊

孤根如線耐霜侵
浪蕩還開玉與金
爲問西風緣底事
一枝同氣不同心

館人餼鴈

持節江頭久食魚館人供鴈意踟躕呼兒細看雲間足恐
有中原問信書

芙蓉小酌

輕紗白紵不勝單縹亂江雲作小寒乘興更須傾一斗笑
容宜向雨中看

舊池

半池泥水不曾清一撮魚針也自生好雨竟無風日惡門
前空說大江橫

二月一日雨中看梅

紫樹青條玉幾叢半開半落不禁風看梅何必前村雪二

月江南煙雨中

示馬德璘

當年駐馬石床邊老父相逢已結緣須向桑田最佳處掛

冠神武似不似然故為示此終焉卯秋食于廣平逆旅一老父挾方書數

示孔晉

十五從戎已自奇更當磊落振襟期咸寧曾建中興業本
是汾陽帳下兒

丁卯歲元日

青春白髮坐相催草草杯盤淺淺梅爆竹煙寒簫鼓噤隔

牆飛過紙錢灰

真州沙瘴

侵曉煙煤半抹牆急燒蕙酒嚼鹽薑真州城裏多沙瘴人
道淮東小法場

立秋夜有感

月邊一夜火門流雲白天青萬里秋朝馬今朝離瀚海定
從何日到江蘇

丁卯新館寒食無花四首

折殘魏紫戴姚黃香盡河陽與洛陽剛向江頭覓春色幾
年孤館對空牆

四圍擊柝鎖重扉春去春來總不知腸斷東城中酒後春
衫走馬拂花枝

八年寒食無家三月清明不見花屋角映陽看薺菜牆

雲邊土食蒿芽

不到空齋深院無人長綠苔爲報監門暫開鎖少
分春色入門來

館內幽懷

狂花野蔓滿疏籬恨殺絲瓜結子稀獨立無言解蛛網放
他蝴蝶一雙飛

伴使西計議送牛酪

深凝碧梳玉脂香輕結酥皮蠟面黃斫雪徑調傾一梳大
江忽在鐵林傍

新館木犀

欲將金粟押銀壺沉麝看來氣韻麤爲問西風能記否好
香曾到故鄉無

觀哺乳燕

黃口啓啓競食時一雙忙殺尚嫌遲
遲遲憐待哺諸兒女更
比烏未分外飢

觀牡丹菊有感

黃花喚作牡丹菊又喚芙蓉
秋牡丹幸自拒霜金晚節強

爲春色亦應難

戊辰七夕

只見星杓掛月鉤銀河依舊隔牽牛
遙憐玉雪佳兒女淚
滿西風乞巧樓

戊午歲作一貫圖戊辰冬十月晦始成

十載方成一貫圖恍然才見未生初
仲尼沒後遺言絕且
讀遺書莫忘者書

讀堯典

關雎風雅三千首堯典文章第一篇
從此聖人都不說且
休便論伏羲前

讀王日傳

禍本誰知自二王，玉清未了又儲祥。
一瓶珠賣萬人命，剃髮披緇未易償。

即事

網羅蚊蚋一蟪蛄，終日經營何太勞。
縱好未能包六合，大鵬依舊九天高。
蒸開柳眼中宵熱，落盡桃花半曉霜。
五月綿衣休便送，江頭天氣不尋常。

夢遊木香洞府

月牕青錦麝塵寒，夢逸煙條露葉看。
但覺身輕似蝴蝶，種香風物異槐安。

暮春二首

楊子楊花雪打門，運衙花樹綠藏人。
花開花落年年事，看取人間不盡春。
重圍雨久塌蒼苔，火鋪喧呼着棘栽。
唯有東風難禁約，隔牆吹過落花來。

五言絕句

同闕彥舉南湖晚步四首

月出東南隅，湖湧黃金波。
清風颯然至，奈此良夜何。
太白吐金氣，水樓清霽寒。
悠悠半滄海，月出浮雲端。

一陵川文集卷之十五
荷花臨水殿綺月轉簾腰晚吹動
張管者涼生翠綃
清風凌八極虎豹天門開長虹忽中斷
海窟明月來

送闕彥舉

長風吹短褐浪起魚龍腥萬里一樽酒
送客東湖亭

促織

亂聒霜前夜忙催機上秋無衣汝何益
重作旋人愁

曉寒

列列總分曙霜鷄噤不鳴只疑滄海凍
還使日難生

即事

短衣歌永夜長劒倚高秋折愛東家子
無憂樂白頭

大城南

柳拂春煙白花融曉日紅蕭蕭玉銜馬
沙上踏輕風